

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-22537/20
30. juna 2020. godine
Sarajevo

Ministar
Prof. dr. Jasmin Halebić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20 i 18/20), po zahtjevu JU Srednja ekonomska škola, Ministar finansija donosi sljedeću

**ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2020. GODINU ZA
BUDŽETSKOG KORISNIKA JU SREDNJA
EKONOMSKA ŠKOLA**

1. Odobrava se preraspodjela sredstava u Budžetu Kantona Sarajevo za 2020. godinu, budžetska sredstva u iznosu 4.470 KM u razdjelu 21030016 JU Srednja ekonomska škola i to:

Raz	Glava	Potr. jed.	Ekon. kod	Sub-analitika	Funkcija	Opis	Iznos
21	03	0016				JU "Srednja ekonomska škola"	
						Sa ekonomskog koda (Izvor 10)	
21	03	0016	6112	LCA080	092	Naknade u slučaju smrti i teže invalidnosti	1.470,00
21	03	0016	6134		092	Nabavka materijala i sitnog inventara	1.000,00
21	03	0016	6137		092	Izdaci za tekuće održavanje	1.000,00
21	03	0016	6139	LCK051	092	Posebna naknada za podsticanje rehabilitacije i zapošljavanje osoba sa invaliditetom	1.000,00
						Na ekonomski kod (Izvor 10)	
21	03	0016	6112	LCA079	092	Otpremine zbog odlaska u penziju	4.470,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-22354/20
30. juna 2020. godine
Sarajevo

Ministar
Prof. dr. Jasmin Halebić, s. r.

Na osnovu čl. 67. stav (3) i 68. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 18. Zakona o trezoru u Federaciji Bosne i Hercegovine ("Službene novine Federacije BiH", broj 26/16), ministar finansija Kantona Sarajevo donosi

**UPUTSTVO
O UPLATAMA I PREKNJIŽENJIMA TRANSFERA I
DONACIJA ZA BUDŽETSKO KORISNIKE**

Član 1.
(Predmet)

Ovim uputstvom propisuje se način uplate transfera i donacija, preknjiženje pogrešno uplaćenih transfera i donacija i preknjiženje - prenos razgraničenih transfera i donacija za korisnike Budžeta Kantona Sarajevo (u daljem tekstu: budžetski korisnici).

Član 2.

(Broj depozitnog računa Kantona Sarajevo)

Transferi i donacije se uplaćuju na depozitni račun Kantona Sarajevo broj 1411965320008475, otvoren kod Bosna Bank International (BBI) d.d. Sarajevo.

Član 3.

(Vrste prihoda transfera i donacija)

- (1) Transferi se uplaćuju na sljedeće vrste prihoda i to:

731111	Primljeni tekući transferi od inostranih vlada
731121	Primljeni tekući transferi od međunarodnih institucija
732111	Primljeni tekući transferi od Države
732112	Primljeni tekući transferi od Federacije
732113	Primljeni tekući transferi od Republike Srpske
732114	Primljeni tekući transferi od kantona
732115	Primljeni tekući transferi od gradova
732116	Primljeni tekući transferi od općina
732117	Primljeni tekući transferi od mjesnih zajednica
732121	Primljeni namjenski transferi za kulturu
732122	Primljeni namjenski transferi za sport
732123	Primljeni namjenski transferi za šumarstvo
732124	Primljeni namjenski transferi za izbore
732125	Primljeni namjenski transferi za obrazovanje
732126	Primljeni namjenski transferi za razvoj turizma u Federaciji BiH
732128	Primljeni namjenski transferi za zaštitu okoline
732131	Transfer od Federalnog Zavoda za zapošljavanje
732132	Transfer od Federalnog Zavoda za zdravstvenog osiguranja i reosiguranja
732133	Transfer od kantonalne Službe za zapošljavanje
732134	Transfer od kantonalnog Zavoda zdravstvenog osiguranja
732143	Primljeni tekući transferi od FBIH za demobilisane branioce i članove njihovih porodica
732144	Primljeni tekući transferi od FBIH za branioce po Zakonu o pravima boraca i članova njihovih porodica
741111	Primljeni kapitalni transferi od inostranih vlada
741121	Primljeni kapitalni transferi od međunarodnih institucija
742111	Primljeni kapitalni transferi od Države
742112	Primljeni kapitalni transferi od Federacije
742113	Primljeni kapitalni transferi od Republike Srpske
742114	Primljeni kapitalni transferi od kantona
742115	Primljeni kapitalni transferi od gradova
742116	Primljeni kapitalni transferi od općina
742211	Kapitalni transferi od nevladinih izvora
742212	Kapitalni transferi od preduzeća
742213	Kapitalni transferi od pojedinaca

- (2) Donacije se uplaćuju na sljedeće vrste prihoda i to:

733111	Donacije od fizičkih lica
733112	Donacije od pravnih lica
733113	Domaće donacije za podršku budžetu
733114	Domaće donacije za investicijske projekte
733115	Donacije od fizičkih i pravnih lica za poticaj za zapošljavanje
733116	Donacije od domaćih fizičkih i pravnih lica za otklanjanje posljedica prirodne nesreće i obnovu područja zahvaćenih prirodnom nesrećom
733121	Donacije od inostranih fizičkih lica
733122	Donacije od inostranih pravnih lica
733123	Donacije za podršku budžetu iz inostranstva
733124	Donacije za investicijske projekte iz inostranstva
733125	Donacije od inostranih fizičkih i pravnih lica za poticaj za zapošljavanje
733126	Donacije od inostranih fizičkih i pravnih lica za otklanjanje posljedica prirodne nesreće i obnovu područja zahvaćenih prirodnom nesrećom

Član 4.

(Način uplate transfera i donacija)

Transferi i donacije uplaćuju se na depozitni račun Kantona Sarajevo broj 1411965320008475, otvoren kod Bosna Bank International (BBI) d.d. Sarajevo (u daljem tekstu: depozitni račun) na odgovarajuću vrstu prihoda iz člana 3. ovog uputstva, sa obaveznom naznakom budžetske organizacije za koju se vrši uplata transfera, odnosno donacije.

Član 5.

(Elementi naloga za uplatu transfera i donacija)

Elementi naloga za uplatu transfera i donacija su:

- a) Naziv i adresa uplatioca,

- b) Svrha uplate: Transfer/donacija za (naziv budžetskog korisnika),
- c) Primalac: JRT Kanton Sarajevo,
- d) Račun uplatioca: Transakcijski račun uplatioca ako uplatu vrši pravno lice,
- e) Račun primaoca: 1411965320008475, otvoren kod Bosna Bank International (BBI) d.d. Sarajevo,
- f) Iznos transfera/donacije u KM,
- g) Identifikacioni broj uplatioca: 13 cifara,
- h) Vrsta prihoda: vrsta prihoda za transfer/donaciju na koji se uplata odnosi (šifra iz člana 3. ovog uputstva),
- i) Općina: Šifra općine - sjedište budžetskog korisnika i
- j) Budžetska organizacija: Šifra budžetske organizacije budžetskog korisnika za koga se uplaćuje transfer/donacija (7 cifara).

Član 6.

(Obaveza budžetskog korisnika)

O tačnom sadržaju naloga za uplatu transfera i donacija, prije uplate, budžetski korisnik je dužan da pismeno upozna uplatioca, odnosno donatora.

Član 7.

(Uplata transfera i donacija iz inostranstva)

- (1) Ukoliko se radi o uplati transfera, odnosno donacija iz inostranstva, potrebno je da budžetski korisnik obavijesti uplatioca transfera, odnosno donacije, da uplatu izvrši na depozitni račun Kantona Sarajevo, broj 1411965320008475, otvoren kod Bosna Bank International (BBI) d.d. Sarajevo, IBAN BA391411965320008475, SWIFT kod BBIBBA22XXX sa naznakom Kanton Sarajevo, nazivom budžetskog korisnika, šifrom budžetske organizacije za koju se doznava sredstva, nazivom projekta, odnosno namjenom transfera, odnosno donacije i šifrom općine.
- (2) Nakon toga Bosna Bank International (BBI) d.d. Sarajevo će obavijestiti Ministarstvo finansija Kantona Sarajevo (u daljem tekstu: Ministarstvo finansija) o deviznom prilivu, konvertovati sredstva u KM i ista usmjeriti preko depozitnog računa na odgovarajuću vrstu prihoda i šifru budžetskog korisnika, prema uputstvu Ministarstva finansija.

Član 8.

(Pogrešna uplata transfera i donacija)

- (1) Transfer koji je uplaćen na pogrešnu vrstu transfera, na šifru drugih prihoda (donacije ili vlastite prihode), na pogrešnu budžetsku organizaciju ili pogrešnu šifru općine, smatra se pogrešno uplaćenim transferom.
- (2) Donacija koja je uplaćena na pogrešnu vrstu donacije, na šifru drugih prihoda (transferi ili vlastiti prihodi), na pogrešnu budžetsku organizaciju ili na pogrešnu šifru općine, smatra se pogrešno uplaćenom donacijom.
- (3) Pogrešno uplaćeni transferi, odnosno donacije mogu se preknjižavati i to:
 - a) ako je transfer uplaćen na pogrešnu šifru transfera,
 - b) ako je transfer uplaćen na donaciju ili vlastiti prihod,
 - c) ako je transfer uplaćen na pogrešnu budžetsku organizaciju ili pogrešnu šifru općine,
 - d) ako je donacija uplaćena na pogrešnu šifru donacije,
 - e) ako je donacija uplaćena na transfer ili vlastiti prihod i
 - f) ako je donacija uplaćena na pogrešnu budžetsku organizaciju ili pogrešnu šifru općine.
- (4) U slučaju kada je transfer ili donacija uplaćena na depozitni račun, na šifru poreznih ili neporeznih prihoda vrši se povrat pogrešno uplaćenih sredstva na način propisan pravilnikom Ministarstva finansija koji reguliše povrat više ili pogrešno uplaćenih prihoda.

Član 9.

(Dokumentacija potrebna za preknjiženje pogrešno uplaćenih transfera i donacija)

- (1) Budžetski korisnik koji ima pogrešno uplaćen transfer, odnosno donaciju obavezan je Ministarstvu finansija reklamirati uplatu i tražiti da se izvrši preknjiženje.
- (2) Budžetski korisnik podnosi Ministarstvu finansija pisani zahtjev za preknjiženje, putem protokola.
- (3) Uz zahtjev za preknjiženje transfera, odnosno donacije budžetski korisnik je dužan priložiti sljedeću dokumentaciju:
 - a) dokaz o uplati transfera, odnosno donacije za koju se traži preknjiženje (uplatnica ili izvod sa depozitnog računa) i
 - b) kopiju dokumenta iz kojeg se jasno vidi da se radi o dodjeljenom transferu, odnosno donaciji (sporazum, ugovor, protokol, odluka ili drugi akt o dodjeli transfera, odnosno donacije).

Član 10.

(Zaključak o preknjiženju)

- (1) Na osnovu priložene dokumentacije i provjere dostavljenih podataka, ministar finansija Kantona Sarajevo (u daljem tekstu: ministar finansija) donosi zaključak o preknjiženju pogrešno uplaćenog transfera, odnosno donacije.
- (2) Ministarstvo finansija - Sektor za trezor je nadležan za realizaciju zaključka o preknjiženju pogrešno uplaćenog transfera, odnosno donacije.

Član 11.

(Preknjiženje - prenos razgraničenih transfera i donacija)

- (1) Transferi i donacije koji su uplaćeni u prethodnim godinama i razgraničeni u tekuću budžetsku godinu mogu se preknjižiti-prenijeti sa jednog budžetskog korisnika na druge budžetske korisnike.
- (2) Budžetski korisnik na kojeg je razgraničen transfer, odnosno donacija Ministarstvu finansija podnosi zahtjev za preknjiženje-prenos razgraničenog transfera, odnosno donacije.
- (3) Uz zahtjev za preknjiženje-prenos razgraničenog transfera, odnosno donacije budžetski korisnik je dužan priložiti sljedeću dokumentaciju:
 - a) dokaz o uplati transfera, odnosno donacije za koju se traži preknjiženje-prenos (uplatnica ili izvod sa depozitnog računa),
 - b) kopiju dokumenta iz kojeg se jasno vidi da se radi o dodjeljenom transferu, odnosno donaciji koja je namjenjena za više budžetskih korisnika (sporazum, ugovor, protokol, odluka ili drugi akt o dodjeli transfera, odnosno donacije) i
 - c) dokument na osnovu kojeg budžetski korisnik odobrava preknjiženje-prenos transfera, odnosno donacije na druge budžetske korisnike (sporazum, ugovor, protokol, odluka ili drugi akt o preknjiženju-prenosu transfera, odnosno donacije).
- (4) Na osnovu dokumentacije iz stava (3) ovog člana i izvršene provjere dostavljenih podataka u Glavnoj knjizi trezora, ministar finansija donosi zaključak o preknjiženju-prenosu razgraničenog transfera, odnosno donacije.
- (5) Ministarstvo finansija - Sektor za trezor je nadležan za realizaciju zaključka o preknjiženju-prenosu razgraničenog transfera, odnosno donacije.

Član 12.

(Prestanak važenja ranijeg Uputstva)

Stupanjem na snagu ovog uputstva prestaje da važi Uputstvo o uplatama donacija i grantova za budžetske korisnike ("Službene novine Kantona Sarajevo", broj 14/04).

Član 13.

(Stupanje na snagu)

Ovo uputstvo stupa na snagu danom donošenja, a objaviće se u "Službenim novinama Kantona Sarajevo".

Broj 08-01-02-24310/20

14. jula 2020. godine

Sarajevo

Ministar

Prof. dr. Jasmin Halebić, s. r.

Ministarstvo za boračka pitanja**Kantona Sarajevo**

Na osnovu člana 45. stav 2. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 45/12 - Prečišćeni tekst 26/14, 46/17, 18/19, 20/20 i 24/20 - Ispravka), ministar za boračka pitanja Kantona Sarajevo donosi

PRAVILNIK**O IZMJENAMA I DOPUNAMA PRAVILNIKA ZA
DODJELU STANA U VLASNIŠTVO ILI DODJELU
STANA NA KORIŠTENJE**

Član 1.

U Pravilniku za dodjelu stana u vlasništvo ili dodjelu stana na korištenje ("Službene novine Kantona Sarajevo", broj 9/17) u članu 1. iza riječi "vlasništvo" dodaju se riječi: "ili dodjelu stana na korištenje".

U članu 1. iza broja: "26/14" dodaju se riječi veznik i brojevi: "46/17, 18/19, 20/20 i 24/20-Ispravka", a ispred broja "26/14", veznik: "i", briše se.

Član 2.

U članu 4. u stavu (1) iza tačke h) dodaje se nova tačka i) koja glasi:

"po osnovu sporazuma o sufinansiranju između organa uprave i Ministarstva u cilju rješavanja stambenog pitanja."

Član 3.

U članu 5. stav (2) mijenja se i glasi:

"Ukoliko Ministarstvo, prema prihvaćenoj ponudi, nema raspoloživu stambenu jedinicu pripadajuće kvadrature, licu iz člana 2. ovog pravilnika može se ponuditi stan veće kvadrature do 20 m², u odnosu na onu utvrđenu stavom 1. ovog člana. Razlika kvadrature u odnosu na pripadajuću pada na teret lica iz člana 2. ovog pravilnika. U ovom slučaju lice iz člana 2. ovog pravilnika dužno je dostaviti ovjerenu izjavu o prihvatanju stana veće kvadrature od pripadajuće kao i da će razliku platiti vlastitim sredstvima."

U članu 5. stav (3) briše se, a dosadašnji stavovi (4) i (5) postaju stavovi (3) i (4).

Član 4.

U članu 6. u stavu (6) iza riječi "materijala" dodaje se zarez i riječi: "izvođenja građevinskih radova i pružanja građevinskih usluga, udruživanja sredstava za kupovinu stana, subvencioniranje kamata kredita za rješavanje stambenih potreba (novčanu pozajmicu).

U članu 6. iza stava (6) dodaju se novi stavovi (7) i (8) koji glase:

- "(7) Lica iz člana 2. ovog pravilnika mogu ostvariti pravo na dodjelu stana u vlasništvo ili dodjelu stana na korištenje ukoliko su podnosilac zahtjeva i članovi njegovog porodičnog domaćinstva vlasnici zemljišta ili suvlasnici manjeg dijela stambenog objekta ili su eventualno suvlasnici malog dijela više stambenih objekata, jer se vlasništvom malog dijela stambenog objekta ne može smatrati da lice ima riješeno stambeno pitanje.
- (8) Lica iz člana 2. ovog pravilnika mogu ostvariti pravo na dodjelu stana u vlasništvo ili dodjelu stana na korištenje ukoliko podnosilac zahtjeva i članovi njegovog porodičnog domaćinstva imaju u vlasništvu stambeni objekat koji je neuslovan za stanovanje a što dokazuje aktom nadležne službe."

Član 5.

U članu 8. stav (1) u tački c) iza riječi "R BiH" dodaju se riječi: "koji ostvaruju pravo na ličnu invalidninu".

U članu 8. stav (1) u tački e) iza riječi "branitelja" dodaju se riječi: "koji ostvaruju pravo na porodičnu invalidninu".

Član 6.

U članu 10. stav (1) mijenja se i glasi:

"Ratni vojni invalidi I grupe i ratni vojni invalidi koji su radno nesposobni po osnovu ranjavanja ili ozljeđivanja za vrijeme službe u Oružanim snagama RBiH, kao i djeca šhida-poginulog borca-branitelja i umrlog ratnog vojnog invalida, koja su bez oba roditelja, čije je stambeno pitanje riješeno na način koji nezadovoljava njihove potrebe, mogu ostvariti pravo na stan u vlasništvo pod uvjetom da stan kojim raspolažu prodaju po cijeni vrijednosti stana utvrđenoj od strane nadležnog sudskog vještaka, tako što će iznos od prodanog stana biti dio ukupne vrijednosti dodijeljenog stana."

U članu 10. u stavu (2) iza riječi "pozajmice" dodaju se riječi: "odnosno, subvencioniranja kamata kredita".

Član 7.

U članu 11. u stavu (6) riječ "Ministarstva" i broj "21" zamjenjuju se sa riječi: "Ministarstvu" i brojem: "15".

Član 8.

U članu 13. u stavu (1) riječi "zahtjevi sa kompletnom dokumentacijom" zamjenjuju se riječima "spisak lica sa navedenim podacima: prezimenom, imenom oca i imenom lica, JMB, adresom stanovanja, brojem telefona i pripadnost boračkoj populaciji, koji će služiti za izradu predugovora i ugovora o dodjeli stana u vlasništvo i u druge svrhe se ne mogu koristiti."

Član 9.

U članu 16. stav (1) tačka o) mijenja se i glasi: "kod notara ovjerenu izjavu da će stan kojim raspolaže prodati po cijeni vrijednosti stana utvrđenoj od strane nadležnog sudskog vještaka, te da će iznos od prodanog stana biti dio ukupne vrijednosti dodijeljenog stana kada je u pitanju rješavanje stambenog pitanja lica koje ima riješeno stambeno pitanje na način koji ne zadovoljava njihove potrebe."

U članu 16. stav (1) tačka q) riječ "izjava" zamjenjuje se riječi "izjave".

Član 10.

Član 17. mijenja se i glasi:

"Po podnijetom zahtjevu za ostvarivanje prava na dodjelu stana u vlasništvo ili dodjelu stana na korištenje, Ministarstvo će pribaviti nalaz i mišljenje nadležnog organa za ocjenjivanje radne sposobnosti u smislu da je osnov za priznavanje svojstva ratnog vojnog invalida i gubitka radne sposobnosti, rana, povreda ili bolest zadobijena za vrijeme službe u Oružanim snagama R BiH, što podrazumijeva i pogoršanje bolesti".

Član 11.

U članu 18. stav (1) tačka r) riječ "izjava" zamjenjuje se riječi "izjave".

Član 12.

Iza člana 20. dodaje se novi član 20a. i glasi:

"Član 20a.

- (1) Lica iz člana 2. ovog pravilnika dužna su dokazati ispunjavanje uvjeta u momentu zaključenja predugovora o kupoprodaji za dodjelu stana u vlasništvo ili ugovora o dodjeli stana na korištenje iz razloga dugog čekanja na listi te da je moglo doći do rješavanja stambenog pitanja, dostavljanjem slijedeće dokumentacije:
- a) kopija revizionog rješenja o priznavanju prava na porodičnu invalidninu ili kopija revizionog rješenja o priznavanju prava na ličnu invalidninu,
 - b) uvjerenje da je i dalje korisnik prava na porodičnu invalidninu, odnosno ličnu invalidninu,
 - c) uvjerenje o kretanju,

